

ռուս լեզուաւ, ի ձեռն հոգաբարձուի եկեղեցւոյս
Հ. Աթանաս քահանայի Խոտիկեան մինչև ի 1830.
աստի մինչ ի 1832՝ եկեղեցւոյն և ժողովրդեան
հոգևոր խնամքն և առաջնորդութիւն կը վարէր
քիչ մը յառաջ յիշուած Եւպատորիոյ և Սիմֆէրո-
պոլի ժողովրդապետ Յովնանեան քահանայն. իսկ
1821 էն կը սկսին դարձեալ արձանագրութիւնքն
ի հայ լեզու Երեմեան տէր Յովհաննէս քահանային
ձեռքով: Մինչև ի 1840 ուրիշ քանի մի եկեղե-
ցականք վարած են առժամանակեայ կերպով զայդ
պաշտօն, և վերջապէս նոյն տարւոյն՝ Տաւրիոյ
առաջնորդ Բժշկեան Հ. Մինաս վարդապետի
առաջարկութեամբ վիճակաւոր եպիսկոպոսէն ժո-
ղովրդապետ դրուած է Հ. Յովսէփ Վարամուրդա
վարդապետ: Ամբողջ երեսուն տարուան միջոց՝
մինչ ի մահն (1840-70), եռանդուն բարեպաշտու-
թեամբ և ամենուն հաճութեամբն և արժանաւոր
մեծարանօք վարեց զայդ պաշտօն՝ բազմավաստակ
և բազմահմուտ վարդապետս, որ մայրենի հայ
լեզուին հաւասար յաջողութեամբ կը խօսէր նաև
իտալական, գաղղիական, ռուս, լեհ և թուրք
լեզուները. և Թէոդոսիոյ եկեղեցւոյս և ժողովրդ-
դեան բարոյական զարգացմանէն նպաստաւոր երեւ-
ցած նաև նիւթակոն բարւոքման:

1887 տարւոյն օգոստոսի 15 ին մեծաշուք հան-
դիսութեամբ կատարուեցաւ եկեղեցւոյս հարիւ-
րամեակը՝ իր առաջին վիճակն փոխելէն ու կրկին
քրիստոնէական սուրբ կրօնի պաշտամանց նուի-
րուելէն ետքը:

Յետ առաւօտեան ժամերգութեանց՝ յառաջ քան
զմիջօրէ ժամը տասնին, եկեղեցւոյն երեք զան-
գակներն իրենց քաղցրանուագ հնչմամբ շէն շէն կը